

Na osnovu člana 118. Zakona o radu ("Službene novine FBiH" br. 62/2016), člana 1. Općeg kolektivnog ugovora za teritoriju Federacije Bosne i Hercegovine ("Službene novine FBiH" br. 48/16) i člana 20. Statuta Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, Direktor Fonda d o n o s i

PRAVILNIK O IZMJENAMA I DOPUNAMA PRAVILNIKA O RADU
Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe

Član 1.

U Pravilniku Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane broj:01-03-34-136 od 23.01.2017.godine, član 20 mijenja se glasi:

"Poslodavac može radniku, na njegov pisani zahtjev, odobriti odsustvovanje sa rada bez naknade plaće-neplaćeno odsustvo,najduže do godinu dana.

Radnik Fonda ima pravo na neplaćeno odsustvo u slučajevima:

-prisustvovanju sjednicama općinskog vijeća i gradskog vijeća,Skupštine kantona,Parlamenta Federacije BiH i Parlamentarne Skupštine BiH u svojstvu izabranog zvaničnika 1-2 radna dana po sjednici,ovisno o dužini trajanja sjednice polaganja i pripremanje ispita na fakultetima i drugim školama...2 radna dana; polaganja stručnog ispita, koji nije uslov za obavljanje posla na koji je raspoređen.....2 radna dana;

izgradnje ili popravljjanja stambene jedinice..... 3 radna dana;

sudjelovanja na stručnim seminarima koji nisu iz oblasti rada Fonda, kulturnim i sportskim susretima, sastancima i seminarima nevladinih organizacija čiji je član radnik Fonda.....3 radna dana

i u drugim opravdanim slučajevima .."

Član 2.

U članu 23.dodaje se novi stav 4.koji glasi:

"Nakon isteka porođajnog odsustva,žena sa djetetom najmanje do jedne godine života ima pravo na polovinu radnog vremena,a za blizance,treće i svako slijedeće dijete ima pravo da radi polovinu radnog vremena do navršene dvije godine života djeteta".

Dosadašnji stav 4.postaje stav 5.

Član 3.

Član 34.mijenja se i glasi:

"Osnovna plaća radnika uvećava se za 0,4% do 0,6 % za svaku godinu radnog staža s tim da ukupno povećanje plaće po ovom osnovu ne može biti veće od 20 %. Iznos iz prethodnog stave za koji se uvećava plaća radnika ovisi od finansijskih mogućnosti Fonda."

Član 4.

U članu 35.dodaje se novi stav 3.koji glasi:

Direktor može donijeti odluku o isplati naknade radniku Fonda za vjerske praznike, u slučajevima pozitivnog poslovanja Fonda i u drugim slučajevima.

Član 5.

Iza člana 42. dodaje se član 42a., koji glasi:

“Radnik ima pravo na jubilarnu nagradu za navršeni broj godina neprekidnog radnog staža u Fondu i to: za 5 godina neprekidnog rada, 10 godina neprekidnog rada, 15 godina neprekidnog rada, 20 godina neprekidnog rada, 25 godina neprekidnog rada, 30 godina neprekidnog rada, 35 godina ili više neprekidnog rada, ukoliko su sredstva za ovu namjenu odobrena u finansijskom planu fonda i pod uslovom da je Fond pozitivno poslovao.

Visinu naknade jubilarnih nagrada utvđuje odlukom Direktor Fonda

Naknada iz prethodnog stava isplaćuje se u narednoj godini, nakon razmatranja Izvještaja o radu Fonda za prethodnu godinu.”

Član 6.

U članu 43. iza alineje 5., dodaje se nova alineja 6. koja glasi:

-rođenja djeteta

u visini 0,50 prosječne mjesečne plaće radnika isplaćene u prethodna tri mjeseca ili u visini 0,50 prosječne netto plaće isplaćene u FBiH prema posljednjem statističkom podatku, ako je to za radnika povoljnije.

Stav 2. mijenja se i glasi:

U slučaju smrti radnika naknada se isplaćuje članu njegove uže porodice, a ako ih nema, troškovi ukopa se uplaćuju pokopnom društvu, u iznosu utvrđenom u stavu 1. alineja 1. ovog člana.

Stav 3. briše se.

Član 7.

U članu 48. u stavu 7. na početku teksta dodaju se riječi: “Pomoćnici”, a riječ Direktori zamjenjuje se riječima “Direktora”.

Stav 12. mijenja se i glasi:”

Da bi se sjednica održala, istoj mora prisustvovati većina članova Komisije.”.

Stav 13. mijenja se i glasi:

“Komisija donosi odluku većinom članova Komisije”

Član 8.

U dijelu Pravilnika o radu koji se odnosi na Sistematizaciju sa opisom poslova, pod radnim mjestom 1. DIREKTOR FONDA, uslovi se mijenjaju tako da isti glase:

Uslovi: VSS/VII st. Građevinski ili Arhitektonski fakultet, da ima najmanje pet godina radnog iskustva sa stručnim i profesionalnim znanjem iz stambene oblasti, da ima komunikacijske i organizacijske sposobnosti kao i sposobnost za timski rad, poznavanje jednog stranog jezika

Član 9.

U dijelu sistematizacije 3.SEKTOR ZA EKONOMSKE POSLOVE,radno mjesto
4.SAMOSTALNI REFERENT ZA FINANSIJSKO POSLOVANJE

uslovi se mijenjaju tako da isti glase:

Uslovi :VŠS/VI stepen,Ekonomski fakultet prvi stepen,dvije godine radnog staža

Član 10.

U ostalom dijelu odredbe Pravilnika o radu Fonda osobe ostaju nepromijenjene.

Broj :01-03-34-136-1
Sarajevo,23.04.2017.godine

